

**BOSNA I HERCEGOVINA  
FEDERACIJA BOSNE I HERCEGOVINE  
UNSKO SANSKI KANTON  
JEDINSTVENI OPĆINSKI ORGAN UPRAVE  
OPĆINE BOSANSKA KRUPA**

Broj:09-11-7-5504/20

Datum: 02.09.2020. godine

Općinski načelnik općine Bosanska Krupa, na osnovu člana 45. Statuta općine Bosanska Krupa – Prečišćeni tekst 1 (Sl. glasnik općine Bosanska Krupa broj: 10/17), člana 89. Odluke o izvršavanju Budžeta općine Bosanska Krupa za 2020. godinu (Sl. glasnik općine Bosanska Krupa broj: 10/19; 1/20: 2/20 i 5/20), člana 11. stav 3. Pravilnika o kriterijima, načinu i postupku raspodjele sredstava MEG projekta kroz program finansijskih poticajnih mjera - grant šema za podršku privatnom sektoru koja se financira sredstvima Vlade Švicarske, kroz Projekat općinskog okolišnog i ekonomskog upravljanja (MEG) i Budžeta općine, broj: 09-11-5503/20 od 02.09.2020.godine i Amandmana No 8. Pisma sporazuma između razvojnog programa Ujedinjenih nacija i Općine Bosanska Krupa o implementaciji Projekta općinskog okolišnog i ekonomskog upravljanja (MEG) kada je UNDP partner u implementaciji broj: 01/N-14-4633/18 od dana: 30.07.2020. godine, objavljuje:

## **JAVNI POZIV**

### **za dodjelu poticajnih sredstava za podršku privatnom sektoru**

#### **I - Predmet Javnog poziva**

Cilj Javnog poziva je poboljšanje poslovnog okruženja i povećanje konkurentnosti domaćih privrednika na tržištu što će doprinijeti i povećanju stope zaposlenosti i ekonomskom razvoju općine Bosanska Krupa.

Navedeni cilj će biti realizovan kroz sufinansiranje troškova nabavka novih mašina, opreme i/ili alata potrebne za proširenje i osavremenjivanje proizvodnje.

Ukupni fond za poticaje iznosi 80.000 KM (40.000 KM Općina Bosanska Krupa i 40.000 KM Projekt općinskog okolišnog i ekonomskog upravljanja (MEG), kojeg podržava i financira Vlada Švajcarske, a sprovodi Razvojni program Ujedinjenih nacija u Bosni i Hercegovini - UNDP BiH).

#### **II Očekivani rezultati**

- Minimalno 8 (osam) privrednih subjekata je unaprijedilo proizvodni proces i time su postali konkurentniji na tržištu
- Zaposleno minimalno 8 (osam) lica

#### **III - Prihvatljivi korisnici poticajnih sredstava**

Poticaji su namijenjeni:

- poslodavcima koji imaju registriran vezani obrt, posebni obrt, srodne djelatnosti ili tradicionalne i stare zanate, registrirane kao fizička lica koji su registrirani odnosno imaju

sjedište na području općine Bosanska Krupa, pod uslovom da nisu bili korisnici poticajnih sredstava u okviru javnog poziva/MEG projekat iz 2018. i 2019. godine.

- pravnim licima koja se bave proizvodnom djelatnosti koji su registrirani odnosno imaju sjedište na području općine Bosanska Krupa, pod uslovom da nisu bili korisnici poticajnih sredstava u okviru javnog poziva/MEG projekat iz 2018. i 2019. godine.

#### IV – Namjena i maksimalan iznos poticajnih sredstava

Poticaj se odobrava za tehnološko unapređenje i povećanje proizvodnih kapaciteta postojećih privrednih subjekata kroz nabavku novih mašina, opreme i/ili alata, uz obavezu učešća poslodavca minimalno 10% od ukupne vrijednosti projekta i zapošljavanja minimalno jednog nezaposlenog lica. Maksimalan iznos po aplikantu je 10.000 KM.

#### V – Način podnošenja Prijave

Podnosilac prijave priprema svoju prijavu u skladu sa Smjernicama za podnosiocce prijava koje su sastavni dio aplikacionog paketa i dostupne su na web stranici Općine Bosanska Krupa [www.opcinabosanskakrupa.ba](http://www.opcinabosanskakrupa.ba) ili se mogu preuzeti na Info pultu Centra za pružanje usluga građanima (šalter sala) općine Bosanska Krupa svakim radnim danom u toku radnog vremena.






Prijave se dostavljaju u zatvorenoj koverti putem pošte ili direktno u Centru za pružanje usluga građanima Općine Bosanska Krupa **na adresu: Općina Bosanska Krupa, ulica: Terzića bb**; sa naznakom: „Prijava na Javni poziv za dodjelu poticajnih sredstava za podršku privatnom sektoru - Ne otvarati“.

Krajnji rok za podnošenje prijava je 14.09.2020. godine.

#### VI – Evaluacija i odabir korisnika

Evaluacija i odabir korisnika sredstava će se vršiti u skladu s kriterijima i procedurom koji su utvrđeni u Pravilniku o kriterijima, načinu i postupku raspodjele sredstava MEG projekta kroz program finansijskih poticajnih mjera – grant šema za podršku privatnom sektoru koji se financira sredstvima Vlade Švicarske, kroz Projekat općinskog okolišnog i ekonomskog upravljanja (MEG) Projekta općinskog okolišnog i ekonomskog upravljanja (MEG) i Budžeta općine i Smjernicama za podnosiocce prijava.

Obrađivači: Projektni tim

1. Veladžić Azra 
2. Keranović Ranela 
3. Šertović Aida 
4. Skenderović Asima 
5. Redžić Suad 

Dostavljeno:

1. Oglasna ploča 3x,
2. JP „Radio Bosanska Krupa“ Bosanska Krupa,
3. Službena web stranica općine,
4. U spis predmeta,
5. a/a.

